



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ - ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն

ԹԻՎ 3320-Ն

**ՈՍՏԻԿԱՆՈՒԹՅԱՆ ՄԱՅՈՐ ԳԵՎՈՐԳ ՀՈՎՀԱՆՆԵՍԻ
ԱՄՅԱՆԻՆ ԿԱՐԳԱՊԱՀԱԿԱՆ ՏՈՒՅԺԻ ԿԱՐԳՈՎ ՀՀ
ՆԳՆ ՈՍՏԻԿԱՆՈՒԹՅՈՒՆՈՒՄ ԾԱՌԱՅՈՒԹՅՈՒՆԻՑ
ԱԶԱՏԵԼՈՒ ՄԱՍԻՆ**

ՀՀ ՆԳՆ ներքին անվտանգության և հակակոռուպցիոն վարչությունում իրականացված ծառայողական քննությամբ պարզվել է, որ ՀՀ ՆԳՆ ոստիկանության Երևան քաղաքի վարչության Էրեբունու բաժնի Նուբարաշենի բաժանմունքի պետի տեղակալ, ոստիկանության մայոր Գևորգ Ամյանը 2023թ. նոյեմբերի 15-ից մինչև ծառայողական քննության ավարտը, առանց հարգելի պատճառների, չի ներկայացել ծառայության, ավելին՝ 2023թ. նոյեմբերի 14-ից մեկնել է Հայաստանի Հանրապետությունից:

Այսինքն՝ ոստիկանության մայոր Գևորգ Ամյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Ոստիկանության մայոր Գևորգ Ամյանին կարգապահական պատասխանատվության ենթարկելու հարցը 2023թ. դեկտեմբերի 28-ին քննարկվել է ՀՀ ՆԳՆ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ՆԳՆ ոստիկանության պետ-ներքին գործերի նախարարի տեղակալի պարտականությունների ժամանակավոր կատարողին՝ Գևորգ Ամյանի նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով նույն օրենքի 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով.

ՀՐԱՄԱՅՈՒՄ ԵՄ

1. Կարգապահական կոպիտ խախտում թույլ տալու՝ առանց հարգելի պատճառների 2023թ. նոյեմբերի 15-ից մինչև ծառայողական քննության ավարտը ծառայության չներկայանալու համար՝ ՀՀ ՆԳՆ ոստիկանության Երևան քաղաքի վարչության Էրեբունու բաժնի Նուբարաշենի բաժանմունքի պետի տեղակալ, ոստիկանության մայոր Գևորգ Հովհաննեսի Ամյանին կարգապահական տույժի կարգով ազատել ՀՀ ՆԳՆ ոստիկանությունում ծառայությունից:

2. ՀՀ ՆԳՆ ոստիկանության Երևան քաղաքի վարչության պետ, ոստիկանության գեներալ-մայոր Սևան Քոչարյանին.

- հրամանի մասին սահմանված կարգով և ժամկետում տեղեկացնել Գևորգ Ամյանին:

3. Հրամանը հայտարարել ՀՀ ՆԳՆ ոստիկանության բարձրագույն, գլխավոր, ավագ, միջին և կրտսեր խմբերի պաշտոններ զբաղեցնող ծառայողներին:

**ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ,
ՈՍՏԻԿԱՆՈՒԹՅԱՆ ԳՆԴԱՊԵՏ՝**



Վ.Վ.ՎԱՐԴԱՆՅԱՆ

<< 19 >> դեկտեմբերի 2023թ.

քաղ. Երևան